



**Qanoq iliornikkut tusagassiortunngorusunneq annertusarsinnaanersoq pillugu apeqquteqaat aallaavigalugu Inatsisartunut oqallisissiasatut siunnersuut.**

(Inatsisartunut ilaasortaq Aqqalu C. Jerimiassen, Atassut)

Qujanaq Inatsisartunut ilaasortaq Aqqalu C. Jerimiassen siunnersuummut.

Ajornartorsiut annertooujussiaq tassaavoq, maani nunatsinni tusagassiortut kalaallisut oqaaseqartut ikippallaarneri. Tamanna tamat oqartussaaneerannut pitsaanngilaq. Ajoraluartumik takujuarparput, KNR ilanngutassiortunik kalaallisut oqaasilinnik amigaaqartoq, tamannalu innuttaasunut pitsaanngitsumik kinguneqartarluni.

Ajornartorsiummut aqqissutissaq pitsaasoq sivisuumillu atuuttussa q tassaavoq tusagassiortunik amerlanernik ilinniagaqartoqarnissaa. Uanili Demokraatinut uparuassallugu pingaartuuvoq, pinngitsaaliinianninnata, ilinniakkat suut inuusuttut toqqassaneraat. Politikkikkulli pilerisaarisinnaavugut soorlu tusagassiortunngorniarneq pillugu. Assersuutigalugu uparuarneqarsinnaavoq, kalaallisut oqaasilimmu tusagassiortumut pinngitsoorani suliffissaqarsinnaammat.

Taamatut oqareerlunga, paasisinnaavara, tusagassiortutut ilinniarnissaq ornigineqangippat.

Siullermik akissarsiat sulisullu atugaat ullutsinnut malinnaatinneqarsimanngillat. Taakku saniatigut oqaluttuat suliffimmi ulapiffiusumi uippakajaarfiusumi sulineq suliffimmilu atugassarititaasut pitsaannginnerat anninneqartartut.

Aappasaanik maannakkut Naalackersuisuusut maligassiuinngilluaasarput. Aattaami Naalackersuisoqaratta, tusagassiortunit apersorneqartillutik akissuteqarumaneq ajortunik. Naalackersuisoqaratta, tusagassiortunik assortuisunik tusagassiortunut tapersersuisussaagaluarlutik. Paasisinnaavara, inuusuttunut pilerinanngippat pissaanilinnit assortorneqarnissaq.

Takujuarlugu, tusaajuarlugu atuartuassavarput, Naalackersuisunut ilaasortat tusagassiutitut oqaaseqarumanatillu oqaaseqarnissaminnut ersisut.

Naalackersuisunut ilaasortaq oqaaseqallatuartillugu, tamanna allakkatigut pikkajuttarpoqm taamaaliornermikkut tusagassiortut ilassutissanik isornartunillu apersuinissaannut pinngitsoortinniaannarlugit. Taamaattoqartariaqanngilaq. Naalackersuisuugaanni aalajangiussat piviusunngortinnissaasa tungaanut akisussaassuseqartariaqarpoq. Nassuiaassutigineqartussaapput illersorlugillu innuttaasunut. Naalackersuisut tusagassiortunut pissusaat ajoraluartumik inuusuttut tusagassiortunngorniarnermut qinnuteqarnissaraluannik ersilersitsisarput. Tamanna ajorluinnarpoq.



Piomasarisariaqarparput, Naalakkersuisunut ilaasortat sukataartariaqarput pingaartillugulu tusagassiortut apeqqutaasa akisarnissaat innuttaasut ilisimasaqarnerulernissaat pillugu aammali tusagassiortutut ilinniarnissaq pilerinarsaaqataaffiginiarlugu.

Tassalu Demokraatit oqallinnermut isummersuutaat.